



PERDANA LIBRARY
PERDANA LEADERSHIP FOUNDATION
NEWSPAPER CLIPPING

Newspaper	Berita Harian
Date	31/10/2011

Dr M harap 'kelonggaran' bangunkan Langkawi

LANGKAWI: Bekas Perdana Menteri, Tun Dr Mahathir Mohamad berharap kerajaan dapat memberi kelonggaran dalam melaksanakan Pelan Induk Lima Tahun Pembangunan Pelancongan Langkawi bagi mengelakkan peruntukan untuk pembangunan itu lambat digunakan.

Katanya, Perdana Menteri, Datuk Seri Najib Razak memberi pe-

runtukan hampir setengah bilion untuk pembangunan Langkawi, tetapi sebarang projek pembangunan sering mengambil masa lama, terutama proses pengambilan tanah.

"Kalau beri kelonggaran kita boleh capai apa yang hendak dilakukan. Kalau nak ambil tanah saja, makan masa setahun. Setahun lepas tu baru boleh buat. Jadi pe-

runtukan itu tidak dibelanjakan. "Saya percaya kerajaan Kedah boleh meluluskan permohonan tanah dengan cepat, tetapi prosedur kerajaan kena ikut...ini yang makan masa," katanya di sini, semalam.

Perdana Menteri ketika pembentangan Bajet 2012 pada 7 Oktober lalu mengumumkan Pelan Induk Lima Tahun Pembangunan Pelan-

congan Langkawi dilancarkan dengan peruntukan pembangunan RM420 juta.

Antara inisiatif diambil ialah menyusun semula Lembaga Pembangunan Langkawi (LADA), penguatkuasaan pasukan renjer hutan, menaik taraf muzium, kawasan pantai dan perniagaan serta menyediakan sistem pengangkutan lebih cekap. - BERNAMA